

fuit, qui, cum annos viginti duos in eo munere compleuisset, exijt è vita.

Euseb. Hist. Eccl.
lib. 3, cap. 11.

In cuius locum successit *Abilius*.

Id. lib. 3, cap. 16.

Primo [Nervæ] anno cum Abilius decem & tres annos Ecclesiæ Alexandrinæ præfuisset, *Cerdo* eo dignitatis gradu potitus est.

Id. lib. 4, cap. 1.

Annum circiter duodecimum imperij Traiani, Episcopus Ecclesiæ Alexandrinæ, cuius paulo ante feci mentionem, vitam cum morte commutat, ac quidam nomine *Primus* ab Apostolis successionem quartus, ministerium Ecclesiæ illius fortitò capit.

Id. ibid. cap. 4.

Anno 3. Imperij Adriani Primus. Alexandria Episcopus cum 12. annos illi Ecclesiæ præfuisset morte occumbit.

Id. ibid.

Quem sequutus est *Iustus*.

Id. ibid. cap. 5.

Eumenes, simul atque Iustus, qui ante illum id muneris fuisset executus, vndecim annos in Episcopatu transegerat, ad Ecclesiam Alexandriae moderandam sextus ordine designatus est.

Idem lib. 4, cap. 10.

Apud Alexandriam, ubi Eumenes decem & tres annos integros administrationis suæ compleuerat, *Marcus* Pastor & Episcopus declaratur: qui decem annos eo munere perfunctus, mortem obit, &

Id. ibid.

Celadion Alexandrinæ Ecclesiæ suscipit gubernationem.

Id. ibid. cap. 18.

Ubi Celadion quatuordecim annis Ecclesiam Alexandrinam procurauerat, *Agrippa* (qui & Agrippinus dictus est) eam capeffit.

Id. lib. 5, cap. 9.

Primo anno regni, Commodi, ubi duodecim annis Agrippinus fuisset Alexandria Episcopatu perfunctus, *Iulianus* in eius locum surrogatus est.

Id. cap. 21. an. 10.
Commodi.

Ubi Iulianus decimum ministerij sui annum compleuerat, Ecclesiarum Alexandriae procuracionem capeffit *Demetrius*.

Id. lib. 6, cap. 3, sub
Severo.

Heraclas cum præclarum vitæ, diuinæ sapientiæ studio addictæ, & piæ exercitationis specimen dedisset, post Demetrium Alexandria Episcopatu donatus est.

Id. ibid. cap. 18.

Cum Heraclas ministerium Ecclesiæ Alexandrinæ vndecim annis executus, è vita decessit, eiusdem Ecclesiæ Episcopatum obtinuit *Dionysius*.

Id. lib. 7, cap. 28.

Dionysius, cum iam decem & septem annis Episcopatum Alexandriae administrasset, duodecimo anno Imperij Galieni moritur: huic successit *Maximus*.

Id. cap. 26. sub
Diocletiano.

Postquam Maximus decem & octo annos Episcopatu Alexandriae post mortem Dionysij fuerat perfunctus, *Theonas* eius potitur loco.

Idem.

Post Theonam, cum decem & nouem annis Ecclesiam administrasset, in Episcopatum Alexandriae succedit *Petrus*.

Socrat. hist. Eccl.
lib. 1, cap. 3.

Alexandriae, post Petrum illius Ecclesiæ Episcopum, qui Diocletiano regnante martyrio occubuerat, *Achyllas* capeffit Episcopatum.

Id. ibid.

Quo mortuo, *Alexander* Episcopus delectus est:

Id. ibid. cap. 11. sub
Constantino.

Non multo post, Alexandro Alexandria Episcopo mortuo, illi Ecclesiæ præficitur *Athanasius*: qui multoties hæreticorum inuidia in exilium pulsus, multoties in sedem Alexandrinam irrumpentes hæreticos ferre coactus est.

Id. lib. 2, cap. 6.

Dum falsa criminatio Athanasio illata est, *Eusebium* cognomento Emissenum Episcopum Alexandriae deligunt.

Id. ibid. cap. 7.

Cumque Eusebius Antiochiæ esset Episcopus Alexandriae delectus, & eò proficisci extimesceret, *Gregorio* illum Episcopatus gradum deferunt.